

114學年度內湖國小語文競賽
客家語朗讀文章國小學生組（海陸腔）
編號 1 號

【蛻變】徐佳好原作

記得俅仔讀小學個時節，放學轉到屋下興蹠蹠仔¹摻俅分享，上自然課，先生紹介蝶仔，佢試著當生趣，問俅：「阿姆，做得畜弄毛蟲無？」俅斯聽過有人畜細魚仔、蠶仔、雞油蛄，敢有人畜弄毛蟲？

該時，俅在學校做志工，摻圖書室個細阿姊仔打嘴鼓，佢講：「斯愛種一頭柚仔樹抑係柑仔樹，就會有蝶仔飛來生卵。你再過準備一隻罐仔，裡肚放一支細樹樅，恁樣就做得咧。」俅一聽著，心肝肚當疑狐：自家又無戴在莊下，種一頭柚仔樹就會錫蝶仔來，哪有可能？毋過，「狗呷烏蠅，賭造化」²罔試看仔。

講來盡奇怪！有一日，正經有一隻蝶仔，在俅兜種個柚仔樹脣飛來飛去、飛上飛下。俅心肝肚恁：「佢在該做麼个呢？」俅目金金緊看，佢一頭緊撲翼，一頭對屎肫尾屙出細細粒、黃淦淦个卵在葉仔面頂。俅細心細意，摘下這皮葉仔帶轉屋下放落罐仔裡背。

幾日過後，幼蟲對卵肚鑽出來，一出世，黏時摻卵殼食忒。

弄毛蟲當揀食³，斯食合意个葉仔，像一個肚屎當枵个細孬仔，葉仔分佢食到淨一淨一淨一，斯伸著葉脈，俅仔都赴毋掣摘葉仔分佢食！佢兜緊食膻身緊大箍，白烏色个衫褲忒狹咧，斯脫下舊衫換過青衫。

成時，蠻皮个俅仔係「頭那插禾串」撩佢，佢會黏時臥起圓圓大大个頭那，摻伸出紅紅个角，放出像榴槿樣臭胖胖个味道，想愛嚇走欺負佢个人；毋過，若係正經堵著烏仔、虎頭蜂，佢兜斯插都毋插。有一擺，俅識看著自家畜个弄毛蟲，毋知分對哪來个蜂仔食忒，衰過个弄毛蟲，瀉都毋掣！一無注意，嘎發生恁悽慘个事情，實在得人驚！

弄毛蟲逐日都盡命牯食葉仔，食到膻身肥固固⁴毋知飽。有一暗晡，看佢轉⁵，葉仔毋食，斯在罐仔肚趨來趨去，毋知在該無閒麼个。佢屙一埕青青个落粑，俅仔問：「佢係發病仔抑係屙痢肚？」突然間，佢趨在該樹樅頂，呖絲摻自家吊等又過跑等，罔在蠶包裡肚，像人⁶睡忒咧！

經過一禮拜零，蠶包變色，像變奇術樣，蝶仔對蠶包裡肚鑽出來咧！毋過，溼溼、皺皺个翼還言燥，佢定定仔、柔柔仔，當有耐心个等待，正經係老古人言講：「甘蔗食了一日正一日」，毋好「打卵就愛見黃」。看著這靚膩膩个花仙子，當像係摻俅兜講等人生盡多个道理。

¹ 興蹠蹠仔：音 him˘ dia˘ dia˘ er；興沖沖的。

² 狗呷烏蠅，賭造化：音 gieu˘ gab˘ vu˘ rhin, du˘ co+ fa˘；狗突然張口去咬飛過的蒼蠅，能否咬到就看運氣。

³ 揀食：音 gan˘ shid˘；挑剔食物。

⁴ 肥固固：音 pui gu˘ gu˘；胖胖的。

⁵ 轉：音 din˘ din˘ zhon˘；轉個不停，此處形容躁動不安。

⁶ 像人：音 ciong˘ ngin；好像。

114學年度內湖國小語文競賽
客家語朗讀文章國小學生組（海陸腔）
編號 2 號

【阿咪¹】李夢花原作

佢屋下從來就毋識畜狗畜貓仔，一來係阿姆歸日做事無閒直掣，又愛無閒煮三餐，二來係佢當愛淨俐，畜狗摻貓仔驚怕會遭跳蚤。一直到老弟間房个天篷頂，逐暗晡一群老鼠在該走來走去，並並磅磅²吵到佢睡毋得，正高不將摻上屋个鄰舍，捉一條細貓子畜來打老鼠。

鄰舍个貓嫵這胎正降兩條，一條就係佢屋下這條，灰色間³白色摻豬肝色花刺花刺⁴，看起來當精靈、當得人惜，佢兜喊佢「阿咪」。另外該條柑仔色間白色，乜已靚，分雜貨店个叔姆捉去畜。阿爸講新捉來个貓仔，定著愛絢在有四支桌腳个下背幾日仔，恁樣正會認屋，阿爸就摻佢絢到桌腳下。正經有影哦！幾日仔放佢，阿咪就乖乖乖，毋會亂採走。

因為毋識畜過貓仔，阿姆乜毋知愛分佢食麼个？人講：貓愛食臊。阿姆就用四破魚攪飯飼。一站仔過後，阿爸講：「毋好分

佢食忒好、食忒飽，慣勢咧就毋會去打老鼠。」聽雜貨店个叔姆講佢屋下該條，就係食到肥固固，日日食飽睡、睡飽食，連老鼠在脣頭過，佢斯目珠擘開睇一下，做佢睡。該幾日逐朝晨，阿爸就去豬砧買一坵豬肝分阿咪食。第一擺豬肝買轉來，阿姆愛拿來煮熟，阿爸煞煞講：「分貓仔食生豬肝，係愛佢慣食生个味，正會去打老鼠，該下二擺佢打著个老鼠，你愛煮熟正分佢食係無？」阿爸講个已有理，佢兜聽了哈哈大笑。

阿咪日時頭走到倉庫睡目，暗晡頭就係佢行動个時間，在暗摸胥疏个暗晡頭，看著佢个目珠仁，像兩粒青色个寶石樣當金當靚，灶下个蜞蛭仔趁來趁去，佢一爪搭一隻，非常流掠。就毋知佢曉打老鼠無？毋過，自阿咪來了以後，老弟間房个天篷，就無老鼠在該跳舞咧。

毋多知仔，阿咪畜有十四年咧，照 佢人个年紀算，佢有七十零歲咧。該日阿咪懶蜈蚣仔無精神，食个東西又嘔出來，好得看過獸醫、注射過，幾日仔就好咧。阿姆笑笑仔對阿咪講：「你摻佢共樣，老咧。」阿咪當像聽得識樣，第二日打條細老鼠挑挑放在灶下，像係愛摻阿姆講：「莫笑佢老刀嫵無鋼——奈毋何，佢還已慶哪！」動物除了毋會講話，佢兜摻人共樣，係有感情、有靈性个，還有該種毋認老个打拚精神啊！

¹ 阿咪：音 a+ mi；專有名詞。貓的名字。

² 並並磅磅：音 bin˘ bin˘ bong˘ bong˘；狀聲詞。形容老鼠在天花板跑動的聲響。

³ 間：音 gam˘；混合摻雜。

⁴ 花刺花刺：音 fa˘ la˘ fa˘ la˘；形容顏色混雜花花的樣子。

114學年度內湖國小語文競賽
客家語朗讀文章國小學生組（海陸腔）
編號 3 號

【大箍牯減肥記】曾菁怡原作

「哇！歸桌恁多好料！汽水、餅、披薩、雞卵糕、枝冰，還有佢最好食个焗菜、雞髀。」佢看到無瞞目，口水強強會跌下來，該兜好料像人摻佢揸手講：「遽遽來食，遽遽來食唷！」佢煞煞抓一支香噴噴个雞髀，該油光油光个皮焙到赤赤，肉汁汀汀汀汀，實在還錫人哪！就在佢嘴擘到大大，準備咬下去該下，嘎聽著：「大箍牯，還毋跣床？讀書會赴毋著咧！」全部个好料一下嘎毋見忒，原來，係發夢啊！有一息仔毋願，該雞髀無咬著，實在還打爽哦！

聽佢姆講，佢從細就已好嘴斗，生到肥卒卒仔，幼皮白肉，當得人惜。公太就最愛捏佢个面頰卵，講佢像正打好个粢粑樣，分人想愛咬一口。本旦佢無感覺肥固固个身材有麼个毋好，毋過該擺見笑个經驗分佢決心愛減肥咧。

該日學校辦校慶活動，佢个班級表演「三隻豬子」个話劇，佢係擔任豬大哥个角色。在節目進行到豬大哥摻豬二哥為著閃避大野狼，愛走去豬老弟个屋肚園該下，為著有緊張个氣氛，佢盡命牯颯過去愛鑽落豬老弟个屋肚。麼人知，一下忒大力，豬老弟

个屋嘎分佢撞橫忒去，佢還仆在屋面頂，屎朏翹到半天高，纏纏纏个褲弓到暴線縫，該時，鬧熱煎煎个禮堂忽然間變到肅恬¹，佢還聽得著自家砰砰滾个心跳聲，額頭流下來个每一滴汗水，就分佢感覺得著實在還見笑哪！愛仰結煞正好？背尾，有聲音摻佢解圍咧，佢遽遽企起來行到舞臺脣頭換褲，該聲音，毋係佢期待个拍手聲，係大家笑到歸身緊顫、目汁雙流个笑聲。

校慶結束該日，桌頂个乳茶、雞排全部分佢擲到垃圾桶，佢第一擺有恁堅定个決心，絕對愛減肥成功。佢去網路尋減肥个方法，大體係減量、減油、減糖，還愛配合適當个運動，所以該兜油膩膩个焗菜、甜漬漬²个汽水、糖仔全部分佢拒絕，逐餐飯菜都食較清較齋兜，食到七分飽就好。佢還逐日運動三十分鐘，行路、打球仔、跳索仔.....，逐日做無共樣个變化。

一隻月過後，佢姆渡等佢去買新衫，逐領个尺寸都減忒兩號，阿姆講：「從今以後做毋得再過喊你『大箍牯』咧。」「係啊！你愛喊佢『緣投哥』哩啲。」

大箍牯減肥，成功！

¹ 肅恬：音 sog diam`；形容安靜無聲的樣子。

² 甜漬漬：音 tiam zid` zid`；味道很甜。

